

mani procurator, savio dil Consejo, et sier Francesco Bragadin, Minio e Badoer savii a terra ferma; l'altra di sier Polo Capello el cavalier savio dil Consejo; l'altra di sier Gasparo Malipiero savio a terra ferma, vol star su questo, che quelli voleno esser realditi, vengi in Colegio etc. *ut in parte*; l'altra di sier Bortolamio da Mosto savio a terra ferma. Et lete dite opinion, qual erano longe, sier Zuan Barozi Cao di XL et sier Antonio Trun procurator savio dil Consejo, messe, atento do Consieri, li Cai di XL sier Christofal Moro e lui et Savii dil Consejo nula meateano, e la parte presa vuol che tutti vengi con le so' opinion al Consejo, che questa materia se indusi, fino Luni a di 26, e tutti vengi con le so' opinion in materia pecuniaria *ut in parte*. E li Cai di XL introno *etiam* in questa opinion. Ave 144 de si, 10 di no et fu presa. Et fo licentià il Pregadi.

È da saper: in questi zorni sier Nicolò Vendramin qu. sier Zacaria da Latisana, menava certa pratica di aver Maran e havea intelligentia dentro, et andoe il Zuoba di carlevar di note con 28 bareche, di le qual 18 erano di Grado, e do contestabeli di fanti dil signor Renzo, Tristan Corso et Batestin Corso, e aproximato a la tera, sentino rumor, *adeo* ritornarono in driedo; si andava avanti la cossa era fata.

279* In questo Pregadi, oltra le lettere di Padoa, fo *etiam* lete lettere di Parenzo, di sier Hironimo Zorzi capitano di le galie di Baruto, di eri. Dil zonzor suo li, e non aver potuto venir di longo, et le galie è charge; si seusa et verà quando harà tempo.

Di Cypro, fo leto alcune altre lettere di sier Zuan Paulo Gradenigo luogotenente. Di danari el manda di qui ducati 8000 con queste galie di Baruto, et altre nove hanno.

A di 24. Sabato fo San Mathia. La matina *solum* fo lettere di Padoa dil capitano zeneral: che ha inteso quanto fanno li soldati, et sono venturieri, però à bon mandar il colateral a far la monstra di fanti e far cride e mandarli via, perchè sono quelli fanno tutti i rumori; et il proveditor zeneral scrive *etiam* lui questa opinion dil capitano.

È da saper: questi fanti dil capitano di le fantarie alozati sul Mestrin, eri che fo il mercado a Mestre, veneno in frota et messeno a sacco alcune botege di calegeri et marzeri, e la doana dove è le bianchete si acorse et serono le porte di subito etc. Sier . . . honorando podestà e capitano di Mestre, scrisse subito di questo a la Signoria; sichè diti fanti fanno gran danni.

Et reduto Pregadi, che mancono assai per andar alle prediche per esser sabado, et questo Pregadi

fo chiamà per sier Zacaria Dolfin savio dil Consejo solo, fo tolto il scurtinio con bolletini di tre Proveditor sora le pompe juxta la parte, et fono nominati numero 63, et rimaseno tre di età: sier Piero Balbi fo di Pregadi, qu. sier Beneto, sier Polo Contarini, fo proveditor sora i officj, qu. sier Bortolomio, sier Marco Barbaro fo proveditor a Salò, qu. sier Antonio; il scurtinio sarà posto qui avanti. Il Consejo mi volea far, et uno busolo di si fu messo di no che portò Nicolò Cavaza, et Gasparo di la Vedoa, feva l'ofizio dil Canzelier Grando, non mi volse rebalotar contra il dover.

Fu poi posto, per sier Zacaria Dolfin savio dil Consejo, sier Gasparo Malipiero savio a terraferma una letera al rezimento di Candia, come questo anno volemo far grossa armada, et voy pregar quelli nobeli e feudatarj voglino ajutar la Signoria nostra e armar dil suo etc. *ut in parte*. Sier Bernardo Barbarigo el consier, stato capitano in Candia e vizeduca, andò in renga, contradise, dicendo i non farano nulla, et narò alcune cosse. Andò la letera et fu presa; ave di si . . . di no . . . et fo comandà di questo gran credenza, aziochè non s'intendi si voy far armada.

Fu posto, *etiam*, prima per i Savj, dar provision 280 a sier Zacaria Gixi qu. sier Anzolo, qual fa il mestier di le arme, ducati 10 al mexe, *ut in parte*; et non fo presa, perchè non ave il numero di le balote.

Fu posto per li Savj, certa provision a uno Jacomo di Bassan veronese, qual è forausito di Verona et serve in campo, et li fo dato provision per li proveditori zenerali, ducati 15 per paga, a page 8 a l'anno, come le zente d'arme: che la ditta provision sia confirmada, et scritto al proveditor zeneral la pagi: ave 129 et 11.

In questo zorno, a nona, a San Stefano, fo amato uno zentilhomo nostro, zovene di anni 20, nominato sier Antonio Pizamano di sier Jacomo, qual questo anno è venuto a Consejo per ducati 100 Li fo dato in la panza da sier Antonio Griti cao di sestier, di sier Andrea, et subito morite, e chi li de' sarà in bando.

Etiam, a hore 22 1/2 intrò le galie di Baruto, capitano sier Hironimo Zorzi, molto charge, numero do; con le qual vene sier Alyise Contarini capitano di Famagosta; *etiam* sier Domenego Calbo, qual era in Cypro confinato et è stà asolto per danari. Sier Zuan Jacopo Bon ancora non è venuto; qual *etiam* è stà asolto.

A di 25. Domenego, fo gran pioza. Vene in Colegio sier Hironimo Zorzi qu. sier Andrea da San